



Arkivsak-dok. 18/00111-3 Arkivkode.  
Saksbehandler Anne Merete Mikkelsdtr Sara

Saksgang Møtedato  
Allaskuvlastivra 2015-2019 07.03.2018

S-12/18

## **ALMMUHIT PROFESORÁHTA SÁMI GIRJJÁLAŠVUOĐAS**

### **Direktevrra mearrádusevttohus:**

Sámi allaskuvlla stivra almmuha sámi girjjálašvuođa professora bistevašvirggi mas álgín lea farggamusat. Virgealmmuhus oktan virgečilgehusain dohkkehuvvo. Virgi almmuhuvvo njeallje vahkku ohcanáigemeriin.

Virgi bálkáhuvvo Stáda bálkáplána 17.510, virgekoda 1013 Professor, bc. 69-88 (611 700 – 989 000 ru). Sámi allaskuvlla bálkápolitihka vuodul addojit lassín guokte bálkáceahki jus ohccis lea formála gelbbolašvuohta sámegeielas unnimustá vuodđofágadásis/60 oč. Bálkkás gesso 2 % geatnegahtton divat Stáda penšunkássii.

Virggis lea 6 mánu geahččalanáigi.

### **Vedlegg:**

-Almmuhusteaksta

## **Áššečilgehus:**

Giela, duoji, boazodoalu ja servodatdiehtagiid (GDBS) goađis lea professorvirgi ohcan láhkai.

Virggi váldosisdoallun lea sámi girjjálašvuođa oahpahus, bagadallan, dutkan ja gaskkusteapmi. Oahpahussii gustojit doaibmi oahppoplánat. Virggehas ferte ovddidit ja jođihit vuosttažettiin sámi girjjálašvuođadutkamis. Son galgá leat mielde girjjálašvuođadieđalaš oahppoprográmmaid ođasmahttinbargguin. Muđui lea lunddolaš ahte virggehas čuovvu Sámi allaskuvlla sámi profiilla barggu oktavuodas.

Muđui čujuhuvvo almmuhustekstii gos virgesisdoallu ja gelbbolašvuođagáibádusat lea čilgejuvvon.

Virgealmmuhustekstii lea evttohuvvon universitehta ja allaskuvlla lága § 6-5 (1) vuodul ahte ohccit geat eai deavdde professorgáibádusa, muhto lihka fargga dáidet deavdit daid, sáhttet dohkkehuvvot gaskaboddosaš virgái, ja dasto golmma jagi sisa fas árvoštallot devdet go virgegáibádusaid. Dát lea biddjon dan sivas go sáhtta leat váttis gávdat ohcciid dán virgái.

Sámegiela PhD prográmma ektui gáibiduvvo ahte 50 % fágabirrasis leat professorat. Prográmma akrediterema oktavuodas daddjui maid ahte ásahus ferte doallat čalmmis ahte girjjálašvuodas devdet kvalitatiiva gáibádusaid. Jus lea nu ahte ii gávdno olmmoš gii deavdá professorvirggi gáibádusaid, muhto gávdno ohcci gii daidá deavdit gáibádusaid golmma jagi siste, de dat nannešii ahte ásahus deavdá akrediterengáibádusaid.

Virggi golut gokčojuvvojit GDBS goađi bušeahta bakte. Dát virgi boahdá virggi sadjai mas lea bargi leamaš, ja dan geažil ii leat sáhka lasihit ásahusas virggiid.